

四庫全書

集部

欽定四庫全書

集部

御選古文淵鑒卷四十五

詳校官尚書臣德保

主事銜臣徐以坤覆勘

總校官進士臣朱鈴

校對官編修臣莊適敏

謄錄監生臣邱南林

欽定四庫全書

御選古文淵鑒卷四十五目錄

宋

歐陽修

勸學詔

弛茶禁詔

論刪去九經正義中識緯劄子

論臺諫官唐介等宜早牽復劄子

乞補館職劄子

論杜衍范仲淹等罷政事狀

上范司諫書

代人上王樞密求先集序書

本論

為君難論上

為君難論下

縱囚論

唐書兵志論

唐書禮樂志論

唐書藝文志論

唐書食貨志論

五代史前蜀王建世家論

五代史馮道傳論

五代史周臣傳論

五代史唐六臣傳論

五代史宦者傳論

五代史伶官傳論

朋黨論

送徐無黨南歸序

吉州新學記

王彥章畫像記

豐樂亭記

胡先生墓表

瀧岡肝表

--	--	--	--	--	--	--	--



欽定四庫全書

御選古文淵鑒卷四十五

內閣學士兼禮部侍郎教習庶吉士臣徐乾學等奉

旨編注

宋

歐陽修

字永叔廬陵人仁宗朝舉進士試南宮第一歷官至樞密副使參知政事以太子少

師致仕修天資剛勁見義勇為放逐流離至于再三志氣自若宋興百年而文章體裁猶仍五

季餘習修出一洗卑弱天下翕然師尊之

勸學詔

慶厯四年四月詔天下州縣立學更定科舉法用宋祁王拱辰張方平歐陽修

等言也

斟酌得宜意頗近古

儒者通天地人之理明古今治亂之源可謂博矣然學者不得騁其說而有司務先聲病章句以拘牽之則吾豪俊奇偉之士何以奮馬士有純明朴茂之美而無敷學養成之法其飭身勵節者使與不肖之人雜而並進則夫懿德敏行之賢何以見焉此取士之甚弊而學者自以為患議者屢以為言比令詳酌仍詔政事府參定

皆謂本學校以教之然後可求其行實先策論則辦理者得盡其說簡程式則閎博者可見其才至於經術之家稍增新制兼行舊式以勉中人煩法細文一皆罷去明其實罰俾各勸焉如此則待才之意周取人之道廣夫遇人以薄者不可責其厚也今朕建學興善以尊子大夫之行而更制革弊以盡學者之才教育之方勤亦至矣有司其務嚴訓導精察舉以稱朕意學者其進德修業無失其時凡所科條可為永式

弛茶禁詔

嘉祐四年二月先是茶為官榷禁私販甚嚴歲報刑辟不可勝計園戶困

於征取往往破產逃匿葉清臣何禹王嘉麟等先後上議請罷給茶本錢縱園戶貿易而官收租錢下三司議三司言茶課給本收利所獲甚微而煩擾為患園戶輸納侵害日甚小民趨利犯法並繁宜約歲入息錢之數均賦茶民恣其買賣所在收算而不給本錢遂詔下

慮周細事言復仁  
藹

古者山澤之利與民共之故民足於下而君裕於上國家無事刑法以清自唐建中始有茶禁上下規利垂二百年如聞比來為患益甚民被誅求之困日惟咨嗟官

受濫惡之入歲以陳積私藏盜販犯者實繁嚴刑重誅  
情所不忍是以江湖之間幅員數千里為陷穽以害吾  
民也朕心惻然念此久矣間遣使者往就問之而皆驩  
然願弛其禁歲入之課以時上官一二近臣析其狀  
朕猶若慊然又於歲輸裁減其課使得饒阜以相為生  
刻去禁條俾通商利歷世之弊一旦以除著為常經弗  
復更制損上益下以休吾民尚慮喜於立異之人緣而  
為姦之黨妄陳奏議以惑官司必寘明刑無或有貸

論刪去九經正義中讖緯劄子

漢儒於經學未章微緒最爲有功而間引讖緯未免駁雜此論自是卓識

瓊山丘濬曰秦漢以來之六經

臣伏見國家近年以來更定貢舉之科以爲取士之法建立學校而勤養士之方然士子文章未純節行未篤不稱朝廷勵賢興善之意所以化民成俗之風臣愚以謂士之所本在乎六經而自暴秦焚書聖道不絕漢興收拾亡逸所存無幾或殘編斷簡出於屋壁而餘齡昏眊得其口傳伏生年九十餘老不能正言言不可曉使其女傳言教邕錯齊人語與潁川異錯所不知者十二三去聖既遠莫可考證偏學異說因自名家然而

所以至於今日者實賴孔穎達之正義世之學者因得以考見古人之訓詁義例而知其名物度數之詳雖其間多駁雜詭異之言如歐陽氏所言者然朱子謂漢魏諸儒正音讀通訓詁考制度辨名物學者苟不先涉其流則亦何以用功於此則其

授受相傳尚有師法洎晉宋而下師道漸亡章句之篇家藏私畜其後各為牋傳附著經文其說存亡以時好惡學者茫昧莫知所歸至唐太宗時始詔名儒撰定九義之疏號為正義凡數百篇自爾以來著為定論凡不本正義者謂之異端則學者之宗師百世之取信也然其所載既博所擇不精多引讖緯之書以相雜亂怪奇詭僻所謂非聖之書異乎正義之名也臣欲乞特詔名儒學官悉取九經之疏刪去讖緯之文使學者不為怪

書亦世之不可  
無者也第欲中  
心有主而知所  
擇耳

異之言惑亂然後經義純一無所駁雜其用功至少其  
為益則多臣愚以謂欲使士子學古勵行而不本六經  
欲學六經而不去其詭異駁雜欲望功化之成不可得  
也伏望聖慈下臣之言付外詳議今取進止

論臺諫官唐介等宜早牽復劄子

據李燾長編  
嘉祐六年四

月或言樞密副使陳旭陰結宦者史志聰王  
世寧得大用天章閣待制知諫院唐介右司  
諫趙抃兵部員外郎兼侍御史知雜事范師  
道殿中侍御史呂誨交章言旭為諫官阿附  
貴戚及知開封府逖行請托旭奏辯上曰除  
拜二府朕豈容內臣預議邪介等言不已當



於氣度舒徐中見  
其典直論事極中  
寔會

卧子陳子龍曰  
當時公在樞府  
而拳拳以諫官  
為言大臣為國  
之心可謂深矣

兩罷之於是出旭知定州介知洪州并知虔  
州師道知福州○按宋史介師道傳俱作陳  
升之蓋升之初名旭  
避神宗嫌名而改也

臣近見諫官唐介臺官范師道等因言陳旭事得罪或  
與小郡或竄遠方陛下自臨御已來擢用諍臣開廣言  
路雖言者時有中否而聖慈每賜優容一旦臺諫聯翩  
被逐四出命下之日中外驚疑臣雖不知臺諫所言是  
非但見唐介范師道皆久在言職其人立朝各有本末  
前後補益甚多豈於此時頓然改節故為欺罔上昧聖

聰在於人情不宜有此臣竊以謂自古人臣之進諫於其君者有難有易各因其時而已若剛暴猜忌之君不欲自聞其過而樂聞臣下之過人主好察多疑於上大臣側足畏罪於下於此之時諫人主者難而言大臣者易若寬仁恭儉之主動遵禮法自聞其失則從諫如流聞臣下之過則務為優容以保全之而為大臣者外秉國權內有左右之助言事者未及見聽而怨仇已結於其身故於此時諫人主者易言大臣者難此不可不察

也自古人主之聽言也亦有難有易在知其術而已夫忠邪並進於前而公論與私言交入於耳此所以聽之難也若知其人之忠邪辨其言之公私則聽之易也凡言拙而直逆耳違意初聞若可惡者此忠臣之言也言婉而順希旨合意初聞若可喜者邪臣之言也至於言事之官各舉其職或當朝正色顯言於廷或連章列署共論其事言一出則萬口爭傳衆目共視雖欲為私其勢不可故凡明言於外不畏人知者皆公言也若非其

臣熙曰絕去極  
疑獨抒誠惇定  
國是惜人材有  
關治化不徒作  
敢言之氣

言職又不敢顯言或密奏乞留中或面言乞出自聖斷  
不欲人知言有主名者蓋其言涉傾邪懼遭彈劾故凡  
陰有奏而畏人知者皆挾私之說也自古人主能以此  
術知臣下之情則聽言易也伏惟陛下仁聖寬慈躬履  
勤儉樂聞諫諍容納直言其於大臣尤所優禮嘗欲保  
全終始思與下臣愛惜名節尤慎重於進退故臣謂方  
今言事者規切人主則易欲言大臣則難臣自立朝耳  
目所記景祐中范仲淹言宰相呂夷簡貶知饒州皇祐

中唐介言宰相文彥博貶春州別駕至和初吳中復呂  
景初馬遵言宰相梁適並罷職出外其後趙抃范師道  
言宰相劉沆亦罷職出外前年韓絳言富弼貶知蔡州  
今又唐介等五人言陳旭得罪自范仲淹貶饒州後至  
今凡二十年間居臺諫者多矣未聞有規諫人主而得  
罪者臣故謂方今諫人主則易言大臣則難陛下若推  
此以察介等所言則可知其用心矣昨所罷黜臺諫五  
人惟呂誨入臺未久其他四人出處本末迹狀甚明可

以歷數也唐介前因言文彥博遠竄廣西煙瘴之地賴陛下仁恕哀憐移至湖南得存性命范師道趙抃並因言忤劉沆罷臺職守外郡連延數年然後來復今三者又以言樞臣罷黜然則介不以前陷必死之地為懼師道與抃不以中滯進用數年為戒遇事必言得罪不悔蓋所謂進退一節終始不變之士也至如王陶者本出孤寒因韓絳薦舉始得臺官及絳為中丞陶不敢內顧私恩與之爭議絳終得罪夫牽顧私恩人之常情爾

斷恩以義非知義之士不能也以此言之陶可謂徇公  
滅私之臣矣此四人者出處本末之迹如此可以知其  
為人也就使言雖不中亦其情必無他議者或謂言事  
之臣好相朋黨動搖大臣以作威勢臣竊以為不然至於  
去歲韓絳言富弼之時介與師道不與絳為黨乃與諸  
臺諫共論絳為非然則非相朋黨非欲動搖大臣可明  
矣臣固謂未可以此疑言事之臣也況介等此者雖為  
謫官幸蒙陛下寬恩各得為郡未至失所其可惜者斥

逐諫臣非朝廷美事阻塞言路不為國家之利而介等  
盡忠守節未蒙憐察也欲望聖慈特賜召還介等置之  
朝廷以勸守節敢言之士則天下幸甚

乞補館職劄子

治平三年上

清言如屑可謂其  
風肆好者矣

臣竊以治天下者用人非止一端故取士不以一路若  
夫知錢穀曉刑獄熟民事精吏幹勤勞夙夜以辦集為  
功者謂之材能之士明於仁義禮樂通於古今治亂其  
文章論議與之謀慮天下之事可以決疑定策論道經



邦者謂之儒學之臣善用人者必使有材者竭其力有  
職者竭其謀故以材能之士布列中外分治百職使各  
辦其事以儒學之臣置之左右與之日夕謀議講求其  
要而行之而又於儒學之中擇其尤者置之廊廟而付  
以大政使總治羣材衆職進退而賞罰之此用人之大  
略也由是言之儒學之士可謂貴矣豈在材臣之後也  
是以前世英主明君未有不以崇儒向學為先而名臣  
賢輔出於儒學者十常八九也臣竊見方今取士之失

患在先材能而後儒學貴吏事而賤文章自近年以來朝廷患百職不修務獎材臣故錢穀刑獄之吏稍有寸長片善為人所稱者皆已擢用之矣夫材能之士固當擢用然專以材能為急而遂忽儒學為不足用使下有遺賢之嗟上有乏材之患此甚不可也臣謂方今材能之士不患有遺固不足上煩聖慮惟儒學之臣難進而多棄滯此不可不思也臣以庸繆過蒙任使俾陪宰輔之後然平日論議不能無異同雖日奉天威又不得從

從四人事跡顯然  
處一一引証更不  
自立議論遂爾整  
切

容曲盡拙訥今臣有館閣取士愚見具列如別荅欲望  
聖慈因宴聞之餘一迂睿覽或有可采乞嘗賜留意

論杜衍范仲淹等罷政事狀

慶曆五年正月范仲淹富弼杜衍罷

以御史中丞王拱辰右正言錢逸等先後論劾也衍罷知兗州仲淹知邠州弼知鄆州

臣聞士不忘身不為忠言不逆耳不為諫故臣不避羣邪切齒之禍敢干一人難犯之顏惟賴聖明幸加省察臣伏見杜衍韓琦范仲淹富弼等皆陛下素所委任之臣一旦相繼罷黜天下之士皆素知其可用之賢而不

永心策通曰國  
初宰相權重臺  
諫侍從莫敢議  
朝士不平屢有  
攻擊如盧多遜  
趙昌言王禹偁  
宋湜胡旦李昌  
齡孔道輔更勝  
迭自然終不能  
損廟堂之勢至  
范仲淹空一時  
所為賢者而爭  
之天下議論相  
因而起朝廷不

聞其可罷之罪臣雖供職在外事不盡知然臣竊見自  
古小人讒害忠賢其說不遠欲廣陷良善則不過指為  
朋黨欲動搖大臣則必須誣以專權其故何也夫去一  
善人而衆善人尚在則未為小人之利欲盡去之則善  
人少過難為一二求瑕惟有指以為朋黨則可一時盡  
逐至如大臣已被知遇而蒙信任則難以他事動搖惟  
有專權是上之所惡故須此說方可傾之臣料衍等四  
人各無大過而一時盡逐獨與仲淹委任尤深而忽遭

能主令而勢始  
輕矣雖賢者邪  
正不同要為以  
下攻上為名即  
地可也而未知  
為國家計也然  
范韓既以此取  
勝及其自得用  
臺諫侍從方蘇  
其跡朝廷每立  
一事則是非鋒  
起譁然不安矣  
禹脩方岳貢曰  
力破朋黨專權  
四字舉其實事  
而明之更為洞

離間必有以朋黨專權之說上惑聖聰者臣請試辨之  
昔年仲淹初以忠言讜論聞於中外天下賢士爭相稱  
慕當時姦臣誣作朋黨猶難辨明自近日陛下擢此數  
人並在兩府察其臨事可見其不為朋黨也蓋行為人  
清慎而謹守規矩仲淹則恢廓自信而不疑琦則純信  
而質直弼則明敏而果銳四人為性既各不同雖皆歸  
於盡忠而其所見各異故於議事多不相從至如杜衍  
欲深罪滕宗諒仲淹則力爭而寬之仲淹謂契丹必攻

河東請急修邊備富弼料以九事力言契丹必不來至如尹洙亦號仲淹之黨及爭水洛城事韓琦則是尹洙

而非劉滉仲淹則是劉滉而非尹洙

慶歷三年十一月陝西生戶獻水洛

城內殿崇班劉滉請修之以通秦州涇原路安撫使韓琦以為勞費無益請遣使至涇原秦鳳路詢問文彥博尹洙狄青等洙等皆以為不便詔罷其役滉言蕃部請自備財力修城不肯止役洙械滉詣闕仲淹奏釋之令訖此數事尤彰著陛下素已知者此四人者可謂天下

至公之賢也平日閒居則相稱美之不暇為國議事則公言廷諍而不私以此而言臣見衍等真得漢史所謂

臣乾學曰君子  
小人各有其類  
第君子尚義故  
當義而必爭小

忠臣有不和之節而小人讒為朋黨可謂誣矣臣聞有  
國之權誠非臣下之得專也然臣竊思仲淹等自入兩  
府以來不見其專權之迹而但見其善避權也權者得  
名位則可行故好權之臣必貪位自陛下召琦與仲淹  
於陝西琦等讓至五六陛下亦五六召之富弼三命學  
士兩命樞密副使每一命皆再三懇讓讓者愈切陛下  
用之愈堅臣但見其避讓大繁不見其好權貪位也及  
陛下堅不許辭方敢受命然猶未敢別有所為陛下見

人嗜利故見利而必蔽茲極論四人之不同所以深破朋黨之疑也

其皆未行事乃特開天章名為賜坐授以紙筆使其條事然衆人避讓不敢下筆弼等亦不敢獨有所述因此又煩聖慈特出手詔指定姓名專責弼等條列大事而行之弼等遲回又近一月方敢略條數事仲淹深練世事必知凡百難猛更張故其所陳志在遠大而多若迂緩但欲漸而行之以久冀皆有效弼性雖銳然亦不敢自出意見但多舉祖宗故事請陛下擇而行之自古君臣相得一言道合遇事便行臣方怪弼等蒙陛下如此



堅意委任督責丁寧而猶遲緩自疑作事不果然小人巧譖已曰專權者豈不誣哉至如兩路宣撫聖朝嘗遣大臣況自中國之威近年不振故元昊叛逆一方而勞困及於天下契丹乘釁違盟而動其書辭侮慢至有貴國祖宗之言陛下憤恥雖深但以邊防無備未可與爭屈意買和莫大之辱弼等見中國累年侵凌之患感陛下不次進用之恩故各自請行力思雪恥沿山傍海不憚勤勞欲使武備再修國威復振臣見弼等用心本欲

尊陛下威權以禦四夷未見其侵權而作過也伏惟陛下睿哲聰明有知人之聖臣下能否洞見不遺故於千官百辟之中特選得此數人驟加擢用夫正士在朝羣邪所忌謀臣不用敵國之福也今此數人一旦罷去而使羣邪相賀於內四夷相賀於外此臣所為陛下惜之也伏惟陛下聖德仁慈保全忠善退去之際恩禮各優今仲淹四路之任亦不輕矣惟願陛下拒絕羣謗委任不疑使盡其所為猶有裨補方今西北二國交爭未已

情義諱篤文思安  
雅大家中有數丈  
字

正是天與陛下經營之時如弼與琦豈可置之閒處伏

望陛下早辨讒巧特加圖任則不勝幸甚

疏入不報指  
修為朋黨者

益惡  
焉

上范司諫書

范仲淹其先自邠州徙吳縣舉進士累官秘閣校理天聖七年以請

太后還政通判河中府徙  
陳州太后崩召為右司諫

前月中得進奏吏報云自陳州召至闕拜司諫即欲為  
一書以賀多事卒卒未能也司諫七品官耳於執事得  
之不為喜而獨區區欲一賀者誠以諫官者天下之得

晦菴朱熹曰歐陽公上司諫者其中却自美麗有好處有不可及處却不是聞兄無意思蘇老泉上歐陽公書云執事之文紆徐委備往復曲折而條達疏暢無所間斷氣盡語完急言竭論

失一時之公議繫焉今世之官自九卿百執事外至一郡縣吏非無貴官大職可以行其道也然縣越其封郡逾其境雖賢守長不得行以其有守也吏部之官不得理兵部鴻臚之卿不得理光祿以其有司也若天下之得失生民之利害社稷之大計惟所見聞而不繫職司者獨宰相可行之諫官可言之耳故士學古懷道者仕於時不得為宰相必為諫官諫官雖卑與宰相等天子曰不可宰相曰可天子曰然宰相曰不然坐乎廟堂之

而容與閒易無  
艱難勞苦之態  
此三者皆卓然  
自為一家之史  
也

東漢黃震曰鋪  
叙有法與昌黎  
詩臣論表裏

崧山謝枋得曰  
歐陽公文章為  
一代宗師然載  
錄敘錫貽光沈  
聲不如韓文公

上與天子相可否者宰相也天子曰是諫官曰非天子  
曰必行諫官曰必不可行立於殿階之前與天子爭是  
非者諫官也宰相尊行其道諫官卑行其言言行道亦  
行也九卿百司郡縣之吏守一職者任一職之責宰相  
諫官繫天下之事亦任天下之責然宰相九卿而下失  
職者受責於有司諫官之失職也取譏於君子有司之  
法行乎一時君子之譏著之簡冊而昭明垂之百世而  
不泯甚可懼也夫七品之官任天下之責懼百世之譏

之奇奇怪怪可喜可愕學韓不成亦不庸腐學歐不成必無精采獨上范司諫書朋黨論春秋論縱因論氣力健光皴長可以發才氣可以生議論

瓊山丘濬曰今世諫官雖無定職然國家設立六科以言責付

豈不重耶非材且賢者不能為也近執事始被召於陳州洛之士大夫相與語曰我識范君知其材也其來不為御史必為諫官及命下果然則又相與語曰我識范君知其賢也他日聞有立天子陛下直辭正色面爭庭論者非他人必范君也拜命以來翹首企足好乎有聞而卒未也竊惑之豈洛之士大夫能料於前而不能料於後也將執事有待而為也昔韓退之作諍臣論以譏陽城不能極諫卒以諫顯人皆謂城之不諫盖有待而

之凡內而百司  
外而藩郡應有  
封章無有不經  
由者矧列署內  
廷侍班殿陛日  
近清光咫尺天  
顏上無所于屬  
下有所分理歐  
陽修所謂爭是  
非於殿陛之間  
者也必也不受  
富貴次則重惜  
名節次則曉知  
治體如是則上  
而君德必有所  
助下而朝政必

然退之不識其意而妄議修獨以為不然當退之作論  
時城為諫議已五年後又二年始廷論陸贄及沮裴延  
齡作相欲裂其麻纜兩事耳當德宗時可謂多事矣授  
受失宜叛將彊臣羅列天下又多猜忌進任小人於此  
之時豈無一事可言而須七年耶當時之事豈無急於  
沮延齡論陸贄兩事耶謂宜朝拜官而夕奏疏也幸而  
城為諫官七年適遇延齡陸贄事一諫而罷以塞其責  
向使止五年六年而遂遷司業是終無一言而去也何

所取哉今之居官者率三歲而一遷或一二歲甚者半歲而遷也此又非可以待乎七年也今天子躬親庶政化理清明雖為無事然自千里詔執事而拜是官者豈不欲聞正議而樂讜言乎然今未聞有所言使天下知朝廷有正士而彰吾君有納諫之明也夫布衣韋帶之士窮居草茅坐誦書史嘗恨不見用及用也又曰彼非我職不敢言或曰我位猶卑不得言得言矣又曰我有待是終無一人言也可不惜哉伏惟執事思天子所以



有起伏有開闔氣  
雄而筆宕

荆川唐順之曰  
賀聖曆累之文

見用之意懼君子百世之譏一陳昌言以塞重望且解  
洛士大夫之惑則幸甚幸甚

代人上王樞密求先集序書

某聞傳曰言之無文行而不遠君子之所學也言以載  
事而文以飾言事信言文乃能表見於後世詩書易春  
秋皆善載事而尤文者故其傳尤遠荀卿孟軻之徒亦  
善為言然其道有至有不至故其書或傳或不傳猶繫  
於時之好惡而興廢之其次楚有大夫者善文其謳歌

以傳

指屈原

漢之盛時有賈誼董仲舒司馬相如揚雄能

文其文辭以傳由此以來去聖益遠世益薄或衰下迄

周隋其間亦時時有善文其言以傳者然皆紛雜滅裂

不純信故百不傳一幸而一傳傳亦不顯不能若前數

家之焯然暴見而大行也甚矣言之難行也事信矣須

文文至矣又繫其所恃之大小以見其行遠不遠也書

載堯舜詩載商周易載九聖

庖犧氏神農氏黃帝堯舜湯文王武王箕子

春

秋載文武之法荀孟二家載詩書易春秋者楚之辭載

臣英曰歷叙前代舊文詞以行遠者由經史以見鋪揚感德潤色鴻猷端賴乎此也其文情復跌宕可喜嘉嘉落而英多

風雅漢之徒各載其時王聲明文物之盛以為辭後之學者蕩然無所載則其言之不純信其傳之不久遠勢使然也至唐之興若太宗之政開元之治憲宗之功其臣下又爭載之以文其詞或播樂歌或刻金石故其間鉅人碩士閎言高論流鑠前後者恃其所載之在文也故其言之所載者大且文則其傳也章言之所載者不文而又小則其傳也不章某不佞守先人之緒餘先人在太宗時以文辭為名進士以對策為賢良方正既而

守道純正為賢待制逢時太平奮身揚名宜其言之所  
載文之所行大而可恃以傳也然未能甚行於世者豈  
其嗣續不肖不能繼守而泯沒之抑有由也夫文之行  
雖繫其所載猶有待焉詩書易春秋待仲尼之刪正荀  
孟屈原無所待猶待其弟子而傳焉漢之徒亦待其史  
臣之書其始出也或待其時之有名者而後發其既歿  
也或待其後之紀次者而傳其為之紀次也非其門人  
故吏則其親戚朋友如夢得之序子厚

夢得劉禹錫字

李漢之

序退之也伏惟閣下學老文鉅為時雄人出入三朝其  
能望光輝接步武者惟先君為舊則亦先君之所待也  
豈小子之敢有請焉謹以家集若干卷數寫獻門下惟  
哀其誠而幸賜之

本論

揭出禮義二字見  
歐陽為學有本領  
處以此繼昌黎之  
後武倡濂洛之先  
聲扶翼名教厥功  
非小

佛法為中國患千餘載世之卓然不惑而有力者莫不  
欲去之已嘗去矣而復大集攻之暫破而愈堅撲之未  
滅而愈熾遂至於無可奈何是果不可去邪蓋亦未知

東發黃震曰政  
佛法之害政昌  
黎之說盡之政  
佛教之害人心  
晦庵之說盡之  
不能明言其所  
以害而徒疾聲  
大呼以泄其憤

其方也夫醫者之於疾也必推其病之所自來而治其  
受病之處病之中人乘乎氣虛而入焉則善醫者不攻  
其疾而務養其氣氣實則病去此自然之效也故救天  
下之患者亦必推其患之所自來而治其受患之處佛  
為夷狄去中國最遠而有佛固已久矣堯舜三代之際  
王政修明禮義之教充於天下於此之時雖有佛無由  
而入及三代衰王政闕禮義廢後二百餘年而佛至乎  
中國由是言之佛所以為吾患者乘其闕廢之時而來

者石徂徠之說  
盡之歐陽公所  
謂上續昌黎斯  
文之傳者正以  
闢佛一事然本  
論不過就冒黎  
改易新說而適  
以消剛為柔如  
閉闕息兵惟敵  
之縱而曰我修  
政事者爾嗚呼  
殆所謂能言距  
楊墨者皆聖人  
之徒歟

此其受惠之本也補其闕修其廢使王政明而禮義充  
則雖有佛無所施於吾民矣此亦自然之勢也昔堯舜  
三代之為政設為井田之法籍天下之人計其口而皆  
授之田凡人之力能勝耕者莫不有田而耕之斂以什  
一差以征賦以督其不勤使天下之人力皆盡於南畝  
而不暇乎其他然又懼其勞且怠而入於邪僻也於是  
為制牲牢酒醴以養其體弦匏俎豆以悅其耳目於其  
不耕休力之時而教之以禮故因其田獵而為蒐狩之

東郭鄒守益曰  
作文須尋得頭  
腦意思端正然  
後措辭鍊句斯  
工於文者也歐  
陽子得此法變  
正文體從孟子  
正經上發出許  
多議論非有的  
見者不能

瓊山丘濬曰佛  
去我中國數萬  
里其勢無由至  
中國其導之入  
吾中國者中國  
之人也今其法

禮因其嫁娶而為婚姻之禮因其死葬而為喪祭之禮  
因其飲食羣聚而為鄉射之禮非徒以防其亂又因而  
教之使知尊卑長幼凡人之大倫也故凡養生送死之  
道皆因其欲而為之制飾之物采而文焉所以悅之使  
其易趣也順其情性而節焉所以防之使其不過也然  
猶懼其未也又為立學以講明之故上自天子之郊下  
至鄉黨莫不有學擇民之聰明者而習焉使相告語而  
誘勸其愚惰嗚呼何其備也蓋三代之為政如此其慮



行乎中國千餘年其勢已堅牢不可動搖其言入人心已深而其象設屋宇在人耳目者已熟一旦欲去其勢誠難歐陽氏欲修補吾政教之闕廢者誠反本之論然吾政教之闕且廢非一日一旦復其千年之故非假之十百年不能也十百年中其君

民之意甚精治民之具甚備防民之術甚周誘民之道甚篤行之以勤而被於物者洽浸之以漸而入於人者深故民之生也不用力乎南畝則從事於禮樂之際不在其家則在乎庠序之間耳聞目見無非仁義樂而趣之不知其倦終身不見異物又奚暇夫外慕哉故曰雖有佛無由而入者謂有此具也及周之衰秦并天下盡去三代之法而王道中絕後之有天下者不能勉強其為治之具不備防民之術不周佛於此時乘間而出千

其相豈皆卓然  
不惑者莫若定  
為家鄉之禮頒  
布天下使家家  
行古禮其勢自  
衰此則朝令而  
夕可行也積數  
十年人皆知吾  
禮之簡徑而覺  
彼法之勞擾有  
損於已無益於  
事自然廢置而  
不振英君桓碑  
有志於扶世教  
聞邪說者出於  
其間舉韓子所

有餘歲之間佛之來者日益衆吾之所為者日益壞井  
田最先廢而兼并游惰之姦起其後所謂鬼狩婚姻喪  
祭鄉射之禮凡所以教民之具相次而盡廢然後民之  
姦者有暇而為他其良者泯然不見禮義之及已夫姦  
民有餘力則思為邪僻良民不見禮義則莫知所趣佛  
於此時乘其隙方鼓其雄誕之說而牽之則民不得不  
從而歸之矣又況王公大人往往倡而毆之曰佛是真可  
歸依者然則吾民何疑而不歸焉幸而有一不惑者方

謂人其人火其  
書廬其居之說  
乘其衰而去之  
則中國三代道  
德之教禮義之  
俗頓然復矣

艱然而怒曰佛何為者吾將操戈而逐之又曰吾將有  
說以排之夫千歲之患偏於天下豈一人一日之可  
為民之沈酣入於骨髓非口舌之可勝然則將柰何曰莫  
若修其本以勝之昔戰國之時楊墨交亂孟子患之而  
專言仁義故仁義之說勝則楊墨之學廢漢之時百家  
並興董生患之而退修孔氏故孔氏之道明而百家息  
此所謂修其本以勝之之效也今八尺之夫被甲荷戟  
勇蓋三軍然而見佛則拜聞佛之說則有畏慕之誠者

何也彼誠壯毅其中心茫然無所守而然也一介之士  
眇然柔懦進趨畏怯然而聞有道佛者則義形於色非  
徒不為之屈又欲驅而絕之者何也彼無他焉學問明  
而禮義熟中心有所守以勝之也然則禮義者勝佛之  
本也今一介之士知禮義者尚能不為之屈使天下皆  
知禮義則勝之矣此自然之勢也

為君難論上

語曰為君難者孰難哉蓋莫難於用人夫用人之術任

文氣峻快是極有  
斷制之作

東漢黃憲曰明  
黨論謂君子有  
其朋足以解萬  
世人主之疑為  
君難論謂用人  
聽言專決之失  
在於違眾足以  
指萬世人君之  
迷

之必專信之必篤然後能盡其材而可共成事及其失  
也任之欲專則不復謀於人而拒絕羣議是欲盡一人  
之用而先失衆人之心也信之欲篤則一切不疑而果  
於必行是不審事之可否不計功之成敗也夫違衆舉  
事又不審計而輕發其百舉百失而及禍敗此理之宜  
然也然亦有幸而成功者人情成是而敗非則又從而  
贊之以其違衆為獨見之明以其拒諫為不惑羣論以  
其偏信而輕發為決於能斷使後世人君慕此三者以

臣熙曰用人難  
知人尤難知人  
則皆能官人舉  
陶之所以陳謀  
也此篇專就人  
心微取舍而歸  
重知人之意雖  
然可思

自期至其信用一失而及於禍敗則雖悔而不可及此  
甚可歎也前世為人君者力拒羣議專信一人而不能  
早悟以及於禍敗者多矣不可以徧舉請試舉其一二  
昔秦苻堅地大兵彊有衆九十六萬號稱百萬蔑視東  
晉指為一隅謂可直以氣吞之耳然而舉國之人皆言  
晉不可伐更進互說者不可勝數其所陳天時人事堅  
隨以彊辯折之忠言讜論皆沮屈而去如王猛苻融老  
成之言也不聽太子宏少子詵至親之言也不聽沙門

道安堅平生所信重者也數為之言不聽惟聽信一將  
軍慕容垂者垂之言曰陛下內斷神謀足矣不煩廣訪  
朝臣以亂聖慮堅大喜曰與吾共定天下者惟卿爾於  
是決意不疑遂大舉南伐兵至壽春晉以數千人擊之  
大敗而歸北至洛陽九十六萬兵亡其八十六萬堅自  
此兵威沮喪不復能振遂至於亂亡近五代時後唐清  
泰帝患晉祖之鎮太原也地近契丹恃兵跋扈議欲徙  
之於鄆州舉朝之士皆諫以為未可帝意必欲徙之夜

名嘗所與謀樞密直學士薛文遇問之以決可否文遇對曰臣聞作舍道邊三年不成此事斷在陛下何必更問羣臣帝大喜曰術者言我今年當得一賢佐助我中興卿其是乎即時命學士草制徙晉祖於鄆州明旦宣麻在廷之臣皆失色後六日而晉祖反書至清泰至憂懼不知所為謂李崧曰我適見薛文遇為之肉顫欲自抽刀刺之崧對曰事已至此悔無及矣但君臣相顧涕泣而已由是言之能力拒羣議專信一人莫如二君之



果也由之以致禍敗亂亡亦莫如二君之酷也方符堅  
欲與慕容垂共定天下清泰帝以薛文遇為賢佐助我  
中興可謂臨亂之君各賢其臣者也或有詰予曰然則  
用人者不可專信乎應之曰齊桓公之用管仲蜀先主  
之用諸葛亮可謂專而信矣不聞舉齊蜀之臣民非之  
也蓋其令出而舉國之臣民從事行而舉國之臣民便  
故桓公先主得以專任而不貳也使令出而兩國之人  
不從事行而兩國之人不便則彼二君者其肯專任而

信之以失衆心而斂國怨乎

為君難論下

議論與故實相經緯機法略似上篇

升庵場快曰子由君術論正是此意

嗚呼用人之難難矣未若聽言之難也夫人之言非一端也巧辯縱橫而可喜忠言質樸而多訥此非聽言之難在聽者之明暗也諛言順意而易悅直言逆耳而觸怒此非聽言之難在聽者之賢愚也是皆未足為難也若聽其言則可用然用之有輒敗人之事者聽其言若不可用然非如其言不能以成功者此然後為聽言之

鹿門羊坤曰此  
言聽言之難以  
上二篇並引傳  
記原文以為議  
論而于中略點  
綴數言自是一  
體若史遷之傳  
伯夷却又通篇  
以議論為敘事  
正與此互相發  
明

難也請試舉其一二戰國時趙將有趙括者善言兵自  
謂天下莫能當其父奢趙之名將老於用兵者也每與  
括言亦不能屈然奢終不以括為能也歎曰趙若以括  
為將必敗趙事其後奢死趙遂以括為將其母自見趙  
王亦言括不可用趙王不聽使括將而攻秦括為秦軍  
射死趙兵大敗降秦者四十萬人阬於長平蓋當時未  
有如括善言兵亦未有如括大敗者也此聽其言可用  
用之輒敗人事者趙括是也秦始皇欲伐荆問其將李信

用兵幾何信方年少而勇對曰不過二十萬足矣始皇大喜又以問老將王翦翦曰非六十萬不可始皇不悅曰將軍老矣何其怯也因以信為可用即與兵二十萬使伐荆王翦遂謝病退老於頻陽已而信大為荆人所敗亡七都尉而還始皇大慙自駕如頻陽謝翦因強起之翦曰必欲用臣非六十萬不可於是卒與六十萬而往遂以滅荆夫初聽其言若不可用然非如其言不能以成功者王翦是也且聽計於人者宜如何聽其言若

臣乾學曰新進  
勇銳暗指王呂  
諸人蓋安石之  
請周禮無異趙  
括之請父書其  
言可聽而實不  
可用也足以戒  
矣

可用用之宜矣輒敗事聽其言若不可用捨之宜矣然  
必如其說則成功此所以為難也予又以謂秦趙二主  
非徒失於聽言亦由樂用新進忽棄老成此其所以敗  
也大抵新進之士喜勇銳老成之人多持重此所以人  
主之好立功名者聽勇銳之說則易合聞持重之言則  
難入也若趙括者則又有說焉予略攷史記所書是時  
趙方遣廉頗攻秦頗趙名將也秦人畏頗而知括虛言  
易與也因行反間於趙曰秦人所畏者趙括也若趙以

為將則秦懼矣趙王不悟反間也遂用括為將以代頗  
藺相如力諫以為不可趙王不聽遂至於敗由是言之  
括虛談無實而不可用其父知之其母亦知之趙之諸  
臣藺相如等亦知之外至敵國亦知之獨其主不悟爾  
夫用人之失天下之人皆知其不可而獨其主不知者  
莫大之患也前世之禍亂敗亡由此者不可勝數也

皆為王安  
石而發

縱囚論

以堅峭之筆發深  
摯之思故持論甚  
堅而有力

東莊黃震曰縱  
因論上下相賊  
恐太甚要是三  
代後盛事若夫  
聖人不立異以  
為高不逆情以  
干譽則至論也

信義行於君子而刑戮施於小人刑入於死者乃罪大  
惡極此又小人之尤甚者也寧以義死不苟幸生而視死  
如歸此又君子之尤難者也方唐太宗之六年錄大辟  
囚三百餘人縱使還家約其自歸以就死是以君子之  
難能期小人之尤者以必能也其囚及期而卒自歸無  
後者是君子之所難而小人之所易也此豈近於人情  
或曰罪大惡極誠小人矣及施恩德以臨之可使變而  
為君子蓋恩德入人之深而移人之速有如是者矣曰

疊山謝枋得曰  
文有氣力有光  
氣善於立論  
誠可以獎人才

太宗之為此所以求此名也然安知夫縱之去也不意其必來以冀免所以縱之乎又安知夫被縱而去也不意其自歸而必獲免所以復來乎夫意其必來而縱之是上賊下之情也意其必免而復來是下賊上之心也吾見上下交相賊以成此名也烏有所謂施恩德與夫知信義者哉不然太宗施德於天下於茲六年矣不能使小人不為極惡大罪而一日之恩能使視死如歸而存信義此又不通之論也然則何為而可曰縱而來歸



源流得失洞然指  
掌

殺之無赦而又縱之而又來則可知為恩德之致爾然  
此必無之事也若夫縱而來歸而赦之可偶一為之爾  
若屢為之則殺人者皆不死是可為天下之常法乎不  
可為常者其聖人之法乎是以堯舜三王之治必本於  
人情不立異以為高不逆情以干譽

唐書兵志論

古之有天下國家者其興亡治亂未始不以德而自戰  
國秦漢以來鮮不以兵夫兵豈非重事哉然其因時制

鹿門茅坤曰唐  
兵三變處如指  
掌

變以苟利趨便至於無所不為而考其法制雖可用於一時而不足施於後世者多矣惟唐立府兵之制頗有足稱焉蓋古者兵法起於井田自周衰王制壞而不復至於府兵始一寓之於農其居處教養畜材待士動作休息皆有節目雖不能盡合古法蓋得其大意焉比高祖太宗之所以盛也至其後世子孫驕弱不能謹守屢變其制夫置兵所以止亂及其弊也適足為亂又其甚也至因天下以養亂而遂至於亡焉蓋唐有天下二百

餘年而兵之大勢三變其始盛時有府兵

貞觀十年置折衝府凡天

下十道置府六百三十四而關內二百六十有一上府兵千二百人中府千人下府八百人領以折衝果毅都

尉分番八衛京師四方有事則命將以出事解後兵散於府將歸於朝

府兵後廢而為彍

騎

高宗武后時天下久不用兵府兵番役多不以時開元中宰相張說請募七十二萬號長從宿衛明年又

更號曰彍騎又廢而方鎮之兵盛矣

方鎮者節度使之兵也唐初邊將屯

防大曰軍小曰守捉曰城曰鎮而總之者道道有大將一人曰大總管後更為大都督永徽後都督持節者曰節度使安史反後戰士有功者皆為節度使及其末也由是方鎮相望大者連城數十天子不能制

彍臣悍將兵布天下而天子亦自置兵於京師曰禁軍

其後天子弱方鎮強而唐遂以亡滅者措置之勢使然也若乃將卒營陣車騎器械征防守衛凡兵之事不可以悉記記其廢置得失終始治亂興滅之迹以為後世戒云

唐書禮樂志論

綜次淹洽而妙有  
鑄鍊

由三代而上治出於一而禮樂達於天下由三代而下治出於二而禮樂為虛名古者宮室車輿以為居衣裳冕弁以為服尊爵俎豆以為器金石絲竹以為樂以適

晦庵朱熹曰此古今不易之至論也

瓊山丘濬曰修為此言可為盡古今禮樂之事後世君臣有志於復三代之治者其尚視此言為準則痛革後世苟簡之政而必以禮樂為本凡其所以施於

郊廟以臨朝廷以事神而治民其歲時聚會以為朝覲聘問歡欣交接以為射鄉食饗合衆興事以為師田學校下至里閭田畝吉凶哀樂凡民之事莫不一出於禮由之以教其民為孝慈友悌忠信仁義者常不出於居處動作衣服飲食之間蓋其朝夕從事者無非乎此也此所謂治出於一而禮樂達於天下使天下安習而行之不知所以遷善遠罪而成俗也及三代已亡遭秦變古後之有天下者自天子百官名號位序國家制度宮

政治之間者或  
寓三代禮樂之  
意於中庶幾今  
世復見古昔之  
盛治豈非萬世  
之幸哉

車服器一切用秦舊間雖有欲治之主思所改作不能  
超然遠復三代之上而牽其時俗稍即以損益大抵安  
於苟簡而已其朝夕從事則以簿書獄訟兵食為急曰  
此為政也所以治民至於三代禮樂具其名物而藏於  
有司時出而用之郊廟朝廷曰此為禮也所以教民此  
所謂治出於二而禮樂為虛名故自漢以來史官所記  
事物名數降登揖讓拜俛伏興之節皆有司之事爾所  
謂禮之末節也然用之郊廟朝廷自搢紳大夫從事其

臣廷敬曰禮樂  
之用自朝廷及  
里巷無事不由  
以治所謂達於  
天下也推到化  
民急務辭簡旨  
切不同魯兩生  
之言

間者皆莫能曉習而天下之人至於老死未嘗見也况  
欲識禮樂之盛曉然諭其意而被其教以成俗乎嗚呼  
習其器而不知其意忘其本而存其末又不能備其所  
謂朝覲聘問射鄉食饗師田學校冠婚喪葬之禮在者  
幾何自梁以來始以其當時所行傳於周官五禮之名  
各立一家之學唐初即用隋禮至太宗時中書令房玄  
齡秘書監魏徵與禮官學士等因隋之禮增以天子上  
陵朝廟養老大射講武讀時令納皇后皇太子入學太

常行陵合朔陳兵太社等為吉禮六十一篇賓禮四篇  
軍禮二十篇嘉禮四十二篇凶禮十一篇是為貞觀禮  
高宗又詔太尉長孫無忌中書令杜正倫李義府中書  
侍郎李友益黃門侍郎劉祥道許圜師太子賓客許敬  
宗太常卿韋琨等增之為一百三十卷是為顯慶禮其  
文雜以武令而義府敬宗方得幸多希旨傳會事既施  
行議者皆以為非上元三年詔復用貞觀禮由是終高  
宗世貞觀顯慶二禮兼行而有司臨事遠引古義與二



禮參考增損之無復定制武氏中宗繼以亂敗無可言者博士掌禮備官而已玄宗開元十年以國子司業韋緤為禮儀使以掌五禮十四年通事舍人王晁上疏請刪去禮記舊文而並以今事詔付集賢院議學士張說以為禮記不刊之書去聖久遠不可改易而唐貞觀顯慶禮儀注前後不同宜加折衷以為唐禮乃詔集賢院學士右散騎常侍徐堅左拾遺李銳及太常博士施敬本撰述歷年未就而銳卒蕭嵩代銳為學士奏起居舍

人王仲丘撰定為一百五十卷是為大唐開元禮由是唐之五禮之文始備而後世用之雖時小有損益不能過也貞元中太常禮院修撰王涇考次歷代郊廟沿革之制及其工歌祝號而圖其壇屋陟降之序為郊祀錄十卷元和十一年秘書郎修撰韋公肅又錄開元已後禮文損益為禮閣新儀三十卷十三年太常博士王彥威為曲臺新禮三十卷又採元和以來三公士民婚祭喪葬之禮為續曲臺禮三十卷嗚呼考其文記可謂備

振宕中却寓春容  
之概自是歐陽本  
色

矣以之施於貞觀開元之間亦可謂盛矣而不能至三代之隆者具其文而意不在焉此所謂禮樂為虛名也哉

唐書藝文志論

自六經焚於秦而復出於漢其師傳之道中絕而簡編脫亂訛闕學者莫得其本真於是諸儒章句之學興焉其後傳注箋解義疏之流轉相講述而聖道粗明然其為說固已不勝其繁矣至於上古三王五帝以來世次

鹿門茅坤曰叙  
事中帶感慨悲  
弔以義議論其  
機軸本文遠來

國家興滅終始僭竊偽亂史官備矣而傳記小說外暨  
方言地里職官氏族皆出於史官之流也自孔子在時  
方修明聖經以紂繆異而老子著書論道德接乎周衰  
戰國游談放蕩之士田駢慎到列莊之徒各極其辯而  
孟軻荀卿始專修孔氏以折異端然諸子之論各成一家  
自前世皆存而不絕也夫王迹熄而詩亡離騷作而文  
詞之士興歷代盛衰文章與時高下然其變態百出不  
可窮極何其多也自漢以來史官列其名氏篇第以為

六藝九種七略至唐始分為四類曰經史子集而藏書之盛莫盛於開元其著錄者五萬三千九百一十五卷而唐之學者自為之書又二萬八千四百六十九卷嗚呼可謂盛矣六經之道簡嚴易直而天人備故其愈久而益明其餘作者衆矣質之聖人或離或合然精深宏博各盡其術而怪奇偉麗往往震發於其間此所以使好奇愛博者不能忘也然凋零磨滅亦不可勝數豈其華文少實不足以行遠歟而俚言俗說猥有存者亦其

有幸不幸歟今著於篇有其名而無其書者十蓋五六也可不惜哉

唐書食貨志論

正議被以雅辭風  
風可誦

苑門茅坤曰論  
志文亦跌宕

古之善治其國而愛養斯民者必立經常簡易之法使上愛物以養其下下勉力以事其上上足而下不困故量人之力而授之田量地之產而取以給公上量其入而出之以為用度之數是三者常相須以濟而不可失失其一則不能守其二及暴君庸主縱其佚欲而苟且

之吏從之變制合時以取寵於其上故用於上者無節而取於下者無限民竭其力而不能供由是上愈不足而下愈困則財利之說興而聚斂之臣用記曰寧畜盜臣盜臣誠可惡然一人之害爾聚斂之臣用則經常之法壞而下不勝其弊焉唐之始時授人以口分世業田武德七年始定度田之制中男授田一頃篤疾廢疾四十畝妻妾三十畝為戶者加二十畝所授之田十分之二為世業八為口分世業受子而取之以租庸調之法孫口分身死還官更以給人而賦役之法每丁收粟二石謂之租隨鄉土所產或收綾絹絁各二丈綿三兩或收布二丈四尺麻三斤謂之調

凡丁歲役二旬若不役  
則收其傭直謂之庸

其用之也有節蓋其畜兵以府衛

之制故兵雖多而無所損設官有常員之數故官不濫而  
易祿雖不及三代之盛時然亦可以為經常之法也及其  
弊也兵冗官濫為之大蠹自天寶以來大盜屢起方鎮數  
叛兵革之興累世不息而用度之數不能節矣加以驕  
君昏主姦吏邪臣取濟一時屢更其制而經常之法蕩  
然盡矣由是財利之說興聚斂之臣進蓋口分世業之  
田壞而為兼并租庸調之法壞而為兩稅

廣德元年詔  
一戶二丁者



目光遠矚於治道  
極有維繫

免一丁地稅依舊每畝二升乾元中天下用兵百寮俸  
錢減耗乃稅天下地青苗錢以充百司課料夏稅無過  
六月秋稅無過十月至於鹽鐵轉運屯田和糴鑄錢括苗  
一月比兩稅之始權利借商進奉獻助無所不為矣蓋愈煩而愈弊以至  
於亡焉

### 五代史前蜀王建世家論

嗚呼自秦漢以來學者多言祥瑞雖有善辯之士不能  
祛其惑也予讀蜀書至於龜龍麟鳳騶虞之類世所謂  
王者之嘉瑞莫不畢出於其國異哉然考王氏之所以

鹿門茅坤曰讀  
韓公獲麟解與  
此論世之言祥  
瑞者捫心退矣

興亡成敗者可以知之矣或以為一王氏不足以當之  
則是時天下治亂可以知之矣龍之為物也以不見為  
神以升雲行天為得志今偃然暴露其形是不神也不  
上於天而下見於水中是失職也然其一何多歟可以  
為妖矣鳳凰鳥之遠人者也昔舜治天下政成而民悅  
命夔作樂樂聲和鳥獸聞之皆鼓舞當是之時鳳凰適  
至舜之史因并記以為美後世因以鳳來為有道之應  
其後鳳凰數至或出於庸君繆政之時或出於危亡大

亂之際是果為瑞哉麟獸之遠人者也昔魯哀公出獵  
得之而不識蓋索而獲之非其自出也故孔子書於春  
秋曰西狩獲麟者識之也西狩非其遠也獲麟惡其盡  
取也狩必書地而哀公馳騁所涉地多不可徧以名舉  
故書西以包衆地謂其舉國之西皆至也麟人罕識之  
獸也以見公之窮山竭澤而盡取至於不識之獸皆搜  
索而獲之故曰識之也聖人已沒而異端之說興乃以  
麟為王者之瑞而附以符命讖緯詭怪之言鳳嘗出於

舜以為瑞猶有說也及其後出於亂世則可以知其非瑞矣若麟者前有治國如堯舜禹湯文武周公之世未嘗一出其一出而當亂世然則孰知其為瑞哉龜玄物也污泥川澤不可勝數其死而貴於卜官者用適有宜爾而戴氏禮以其在宮治為王者難致之瑞戴禮雜出於諸家其失亦已多矣駙虞吾不知其何為也詩曰吁嗟乎駙虞賈誼以為駙者文王之囿虞虞官也當誼之時其說如此然則以之為獸者其出於近世之說乎夫

大既高妙而寓意  
特深

破人之惑者難與爭於篤信之時待其有所疑焉然後  
從而攻之可也麟鳳龜龍王者之瑞而出於五代之際  
又皆萃於蜀此雖好為祥瑞之說者亦可疑也因其可  
疑而攻之庶幾惑者有以思焉

### 五代史馮道傳論

傳曰禮義廉恥國之四維四維不張國乃滅亡善乎管  
生之能言也禮義治人之大法廉恥立人之大節蓋不  
廉則無所不取不恥則無所不為人而如此則禍亂敗

鹿門茅坤曰借婦人女子以感慨當世儒生有三歎遺音

亡亦無所不至況為大臣而無所不取無所不為則天下其有不亂國家其有不亡者乎予讀馮道長樂老敘見其自述以為榮其可謂無廉恥者矣則天下國家可從而知也予於五代得全節之士三

梁王彥章唐裴死約南唐劉仁贍

事之臣十有五

張源德夏魯奇姚洪王恩同張敬達翟進宗沈斌王清史彥超孫晟馬彥超宋

令詢李遵張彥州鄭昭業

而怪士之被服儒者以學古自名而享人

之祿任人之國者多矣然使忠義之節獨出於武夫戰卒豈於儒者果無其人哉豈非高節之士惡時之亂薄

其世而不肯出歟抑君天下者不足顧而莫能致之歟  
孔子以謂十室之邑必有忠信豈虛言也哉予嘗得五  
代時小說一篇載王凝妻李氏事以一婦人猶能如此  
則知世固常有其人而不得見也凝家青徐之間為號  
州司戶叅軍以疾卒於官凝家素貧一子尚幼李氏攜  
其子負其遺骸以歸東過開封止旅舍旅舍主人見其  
婦人獨攜一子而疑之不許其宿李氏顧天已暮不肯  
去主人牽其臂而出之李氏仰天長慟曰我為婦人不

能守節而此手為人執耶不可以一手并污吾身即引  
斧自斷其臂路人見者環聚而嗟之或為之彈指或為  
之泣下開封尹聞之白其事於朝官為賜藥封瘡厚卹  
李氏而答其主人者嗚呼士不自愛其身而忍恥以偷  
生者聞李氏之風宜少知愧哉

五代史周臣傳論

偉論出之閒淡是  
歐文獨勝處

嗚呼作器者無良材而有良匠治國者無能臣而有能  
君蓋材待匠而成臣待君而用故曰治國譬之於奕知



其用而置得其處者勝不知其用而置非其處者敗敗者臨碁注目終日而勞心使善奕者視焉為之易置其處則勝矣勝者所用敗者之碁也興國所用亡國之臣也王朴之材誠可謂能矣不遇世宗何所施哉世宗之時外事征伐攻取戰勝內修制度議刑法定律歷講求禮樂之遺文所用者五代之士也豈皆愚怯於晉漢而材智於周哉惟知所用爾夫亂國之君常置愚不肖於上而強其不能以暴其短惡置賢智於下而泯沒其材

能使君子小人皆失其所而身蹈危亡治君之用能置  
賢智於近而置愚不肖於遠使君子小人各適其分而  
身享安榮治亂相去雖遠甚而其所以致之者不多也  
反其所置而已嗚呼自古治君少而亂君多況於五代  
士之遇不遇者可勝歎哉

五代史唐六臣傳論

嗚呼始為朋黨之論者誰歟甚乎作俑者也真可謂不  
仁之人哉予嘗至繁城讀魏受禪碑見漢之羣臣稱魏

與會林滿無意不  
暢

伯厚王應麟曰  
歐陽子書唐六  
臣於唐亡之後  
貶其惡也朱子  
書晉處士於晉  
亡之後未其節  
也一字之微動  
深矣

功德而大書深刻自列其姓名以夸耀於世又讀梁實

錄見文蔚等所為如此

天祐四年唐哀帝遜位於梁遣中書侍郎同中書門下平章事

張文蔚等六人奉冊寶傳國璽授梁王朝賀於金祥殿

未嘗不為之流涕也夫以

國予人而自夸耀及遂相之比非小人孰能為也漢唐

之末舉其朝皆小人也而其君子者何在哉當漢之亡

也先以朋黨禁錮天下賢人君子而立其朝者皆小人

也然後漢從而亡及唐之亡也又先以朋黨盡殺朝廷

之士而其餘存者皆庸懦不肖傾險之人也然後唐從

伯厚王應麟曰  
歐陽子曰始為  
朋黨之論者甚  
於作偽惡考漢  
史蕭望之周堪  
劉更生同心謀  
議弘恭石顯奏  
望之等朋黨欲  
再擅權勢朋黨  
二字始見於此  
遂為萬世之禍  
可謂一言喪邦

而亡夫欲空人之國而去其君子者必進朋黨之說欲  
孤人主之執而蔽其耳目者必進朋黨之說欲奪國而  
與人者必進朋黨之說夫為君子者固嘗寡過小人欲  
加之罪則有可誣者有不可誣者不能遍及也至欲舉  
天下之善求其類而盡去之惟指以為朋黨耳故其親戚  
故舊謂之朋黨可也交游執友謂之朋黨可也宦學相  
同謂之朋黨可也門生故吏謂之朋黨可也是數者皆  
其類也皆善人也故曰欲空人之國而去其君子者惟

鹿門茅坤曰朋黨之禍至唐而極論朋黨之文至歐陽子而極文甚圓而所見事情特達

以朋黨罪之則無免者矣夫善善之相樂以其類同此自然之理也故聞善者必相稱譽稱譽則謂之朋黨得善者必相薦引薦引則謂之朋黨使人聞善不敢稱譽人主之耳不聞有善於下矣見善不敢薦則人主之目不得見善人矣善人日遠而小人日近則為人主者倂倂然誰與圖治安之計哉故曰欲孤人主之執而蔽其耳目者必用朋黨之說也一君子存羣小人雖衆必有所忌而有所不敢為惟空國而無君子然後小人得肆

志於無所不為則漢魏唐之際是也故曰可奪國而與  
人者由其國無君子空國而無君子由以朋黨而去之  
也嗚呼朋黨之說人主可不察哉傳曰一言可以喪邦  
者其是之謂歟

五代史宦者傳論

自古宦者亂人之國其源深於女禍女色而已宦者之  
害非一端也蓋其用事也近而其為心也專而忍能以  
小善中人之意小信固人之心使人主必信而親之待

革愈轉則勢愈緊  
勢愈緊則意愈切  
如子巖為整淑流  
昭廟豈非文章極  
觀

鹿門茅坤曰通  
篇如傾水銀於  
地而百孔千竅  
無所不入其機  
固而其情毫

其已信然後懼以禍福而把持之雖有忠臣碩士列於  
朝廷而人主以為去已踈遠不若起居飲食前後左右  
之親為可恃也故前後左右者日益親則忠臣碩士日  
益踈而人主之執日益孤執孤則懼禍之心日益切而  
把持者日益牢安危出其喜怒禍患伏於帷闥則嚮之  
所謂可恃者乃所以為患也患已深而覺之欲與踈遠  
之臣圖左右之親近緩之則養禍而益深急之則挾人  
主以為質雖有聖智不能與謀謀之而不可為為之而

不可成至其甚則俱傷而兩敗故其大者亡國其次亡  
身而使姦豪得借以為資而起至挾其種類盡殺以快  
天下之心而後已此前史所載宦者之禍嘗如此者非  
一世也夫為人主者非欲養禍於內而疎忠臣碩士於  
外蓋其漸積而執使之然也夫女色之惑不幸而不悟  
則禍斯及矣使其一悟粹而去之可也宦者之為禍雖  
欲悔悟而執有不得而去也唐昭宗之事是已

左右軍  
中尉劉

季述王仲先乘昭宗醉而作亂突入宣化門挾  
帝赴東宮迎皇太子監國矯宣昭宗命稱上皇故曰深



抑揚頓挫中無限  
烟波文之神似龍  
門者

鹿門茅坤曰莊  
宗雄心處與歐  
陽公之文可上  
下千古

於女禍者謂此也可不戒哉

### 五代史伶官傳論

嗚呼盛衰之理雖曰天命豈非人事哉原莊宗

李存勗之

所以得天下與其所以失之者可以知之矣世言晉王

李克用之將終也以三矢賜莊宗而告之曰梁吾仇也燕

王吾所立契丹與吾約為兄弟

唐乾寧二年李克用表劉仁恭為盧龍軍節度

使又明年克用徵其兵仁恭嫚罵執其使盡囚太原士  
之在燕者克用由是恨之天祐中克用乞盟於契丹會  
於雲州宴酣克用偕兵以擊仁恭契丹許之易袍馬約  
為兄弟其後梁封仁恭子守光為燕王實由仁恭先為

欽定四庫全書

御選古文淵鑒

臣英曰叙唐莊  
宗處俊而英俊  
條而衰颯憑弔  
秋歎雖尺幅短  
章而有紫迴無  
盡之意

盧龍帥故克用而皆背晉以歸梁此三者吾遺恨也與爾  
自謂晉所立也

三矢爾其無忘乃父之志莊宗受而藏之於廟其後用  
兵則遣從事以一少牢告廟請其矢盛以錦囊負而前  
驅及凱旋而納之方其係燕父子以組函梁君臣之首  
入於太廟還矢先王而告以成功其意氣之盛可謂壯  
哉及仇讐已滅天下已定一夫夜呼亂者四應倉皇東  
出未及見賊而士卒離散君臣相顧不知所歸至於誓天  
斷髮泣下沾襟

同光四年三月李嗣源至鄴城甲子夜  
軍士張破敗作亂帥衆大譟莊宗聞變

東發洛陽至石橋置酒悲涕語李紹崇  
等相救諸將皆裁髮置地誓以死報  
何其衰也豈得

之難而失之易歟抑本其成敗之迹而皆自於人歟書

曰滿招損謙得益大禹憂勞可以興國逸豫可以忘身

自然之理也故方其盛也舉天下之豪傑莫與之爭

及其衰也數十伶人困之而身死國滅為天下笑夫禍

患嘗積於忽微而智勇多困於所溺豈獨伶人也哉

朋黨論

初呂夷簡罷夏竦授樞密使復奪之代以杜衍同時進用富弼韓琦范仲淹在

二府歐陽修為諫官石介作慶歷聖德詩斥竦為大姦竦銜之因與其黨造為黨論日衍

叙述嚴詳論衡嚴  
緊故能淹通事理  
剖決嫌疑集中傑  
作也

水心集達曰歐  
陽氏朋黨論舊

仲淹及修為黨人慶歷四年四月上謂輔臣  
曰自昔小人多為朋黨亦有君子之黨乎范  
仲淹對曰邪正之黨唯聖心所察苟朋而為  
善於國家亦何害也修於是作朋黨論上之

臣聞朋黨之說自古有之惟幸人君辨其君子小人而  
已大凡君子與君子以同道為朋小人與小人以同利  
為朋此自然之理也然臣謂小人無朋惟君子則有之  
其故何哉小人所好者祿利也所貪者財貨也當其同  
利之時暫相黨引以為朋者偽也及其見利而爭先或  
利盡而交疎則反相賊害雖其兄弟親戚不能相保故

傳謂其能極小  
人之情狀故奸  
邪忌惡尤深蘇  
氏為緒論欲窮  
幾元惡而撫用  
其餘按自古小  
人害正化而仇  
君子人主必保  
護愛惜每加聲  
逐使君子無以  
自安小人為黨  
君子不為黨也  
如養鸚鵡孔雀  
猶鼠常伺其隙  
備疎稍不謹捕  
而食之無救矣

臣謂小人無朋其暫為朋者偽也君子則不然所守者  
道義所行者忠信所惜者名節以之修身則同道而相  
益以之事國則同心而共濟終始如一此君子之朋也  
故為人君者但當退小人之偽朋用君子之真朋則天  
下治矣堯之時小人共工讎兜等四人為一朋君子八  
元八凱十六人為一朋舜佐堯退四凶小人之朋而進  
元凱君子之朋堯之天下大治及舜自為天子而皋夔  
稷契等二十二人並列於朝更相稱美更相推讓凡二

孟子言魯穆公  
無人乎子思之  
側則不能安子  
思穆公猶然况  
舜文王乎  
殺山于慎行曰  
神宗間君子小  
人之黨雖有針  
曰君子無黨辨  
之草木綢繆相  
附必蔓草非松  
栢也余嘗以其  
言驗之君子何  
以無黨無所用  
之也進退決之  
禮義用舍聽之

十二人為一朋而舜皆用之天下亦大治書曰紂有臣

億萬惟億萬心周有臣三千惟一心

秦誓之辭

紂之時億萬

人各異心可謂不為朋矣然紂以七國周武王之臣三

千人為一大朋而周用以興後漢獻帝時盡取天下名

士囚禁之目為黨人及黃巾賊起漢室大亂後方悔悟

盡解黨人而釋之然已無救矣唐之晚年漸起朋黨之

論及昭宗時盡殺朝之名士

裴樞獨孤損崔遠陸扆王溥趙崇王贊等三十餘人

同日賜死

或投之黃河曰此輩清流可投濁流

此李振語朱全

君相浮沉付之  
命數建樹度之  
技能故職業相  
與則同心共濟  
出入相友則同  
道為朋非有固  
結之勤齋齒之  
援也何以黨為  
小人則利害得  
失清於方寸之  
間而立身行已  
又無矯枉可恃  
使之無黨安可  
得哉嗟夫夫夫  
七尺之軀載負  
庸方奈何不為

忠之 而唐遂亡矣夫前世之主能使人人異心不為朋  
言 莫如紂能禁絕善人為朋莫如漢獻帝能誅戮清流之  
朋莫如唐昭宗之世然皆亂亡其國更相稱美推讓而  
不自疑莫如舜之二十二臣舜亦不疑而皆用之然而  
後世不謂舜為二十二人朋黨所欺而稱舜為聰明之  
聖者以能辨君子與小人也周武之世舉其國之臣三  
千人共為一朋自古為朋之多且大莫如周然周用此  
以興者善人雖多而不厭也夫興亡治亂之迹為人君

松柏而為華草  
哉

自待甚重故立論  
皆高人一層

閻休王志堅曰  
張芸吏與石司  
理書云頃遊京  
師每聽歐陽文  
忠公王荆公司  
馬溫公之論于  
行義吏吏為多  
惟歐公多談吏

者可以鑒矣

### 送徐無黨南歸序

草木鳥獸之為物衆人之為人其為生雖異而為死則  
同一歸於腐壞漸成泯滅而已而衆人之中有聖賢者  
固亦生且死於其間而獨異於草木鳥獸衆人者雖死  
而不朽愈遠而彌存也其所以為聖賢者修之於身施  
之於事見之於言是三者所以能不朽而存也修於身  
者無所不獲施於事者有得有不得焉其見於言者則



事久之不免有  
請學者之見先  
生莫不以道德  
文章為欲聞者  
今先生多教人  
以吏事所未諭  
也公曰不然吾  
子與日臨事當  
自知之大抵文  
章止於潤身政  
事可以及物吾  
嘗貶官夷陵欲  
求史漢一觀公  
私無有因取陳  
年公牘反覆觀  
之見其枉直非

又有能有不能也施於事矣不見於言可也自詩書史  
記所傳其人豈必皆能言之士哉修於身矣而不施於  
事不見於言亦可也孔子弟子有能政事者矣有能言  
語者矣若顏回者在陋巷曲肱饑臥而已其羣居則默  
然終日如愚人然自當時羣弟子皆推尊之以為不敢  
望而及而後世更百千歲亦未能有及之者其不朽而  
存者固不待施於事況於言乎予讀班固藝文志唐四  
庫書目見其所列自三代秦漢以來著書之士多者至

錯不可勝數矣  
陵如此天下同  
可知也當時仰  
天誓心曰自爾  
遇事不敢忽也  
迄今二十餘年  
出入中外氛塵  
三事今日以人  
望我必謂翰墨  
致身以我自觀  
竟是當時一言  
之報此序得諱  
以徒言為據即  
是此意噫如公  
文學子曾不自足  
而必求政事以

百餘篇少者猶三四十篇其人不可勝數而散亡磨滅  
百不一二存焉予竊悲其人文章麗矣言語工矣無異  
草木榮華之飄風鳥獸好音之過耳也方其用心與力  
之勞亦何異衆人之汲汲營營而忽焉以死者雖有遲  
有速而卒與三者同歸於泯滅夫言之不可恃也蓋如  
此今之學者莫不慕古聖賢之不朽而勤一世以盡心  
於文字間者皆可悲也東陽徐生少從予學為文章稍  
稍見稱於人既去而與羣士試於禮部得高第由是知

及人非聖賢心  
事何以有此  
荆川唐順之曰  
六一公身蹈此  
弊故言之親切  
如此

格局濶大波瀾老  
成

水心葉適曰韓  
愈以來相承以  
碑誌序記為文  
章大與冊而記

名其文詞日進如水涌而山出予欲摧其盛氣而勉其  
思也故於其歸告以是言然予固亦喜為文辭者亦因  
以自警焉

### 吉州新學記

慶厯三年秋天子開天章閣召政事之臣八人問治天  
下其要有幾施於今者何宜先使坐而書以對八人者  
皆震恐失位俯伏頓首言此非愚臣所能及惟陛下所  
欲為則天下幸甚於是詔書屢下勸農桑責吏課舉賢

雖愈及宗元備未能擅所長也至歐曾王蘇始盡其變態如吉州學堂樂亭擬峴臺道山亭信州興造桂州修城後鮮過之矣若趙然臺放鶴亭賓當僊竹石鐘山奔放四出其鋒不可當又關紐絕約之不能齟而歐曾不達也

才其明年遂詔天下皆立學置學官之員然後海隅徼塞四方萬里之外莫不皆有學嗚呼盛矣學校王政之本也古者致治之盛衰視其學之興廢記曰國有學遂有序黨有庠家有塾此三代極盛之時大備之制也宋興蓋八十有四年而天下之學始克大立豈非盛美之事須其久而後至於大備歟是以詔下之日臣民喜幸而奔走就事者以後為羞其年十月吉州之學成州舊有夫子廟在城之西北今知州事李侯寬之至也謀與

東坡先生曰吉  
州學記思見道  
化之成

開脩王志堅曰  
林下偶談云和  
平之吉難工藏  
慨之詞易好近  
世文人能兼之  
者惟歐陽公如  
吉州學記之類  
和平而工者也  
如豐樂亭記之  
類感慨而工者

州人遷而大之以為學舍事方上請而詔已下學遂以  
成李侯治吉敏而有方其作學也吉之士率其私錢一  
百五十萬以助用人之力積二萬二千工而人不以為  
勞其良材堅甍之用凡二十二萬三千五百而人不以  
為多學有堂筵齋講有藏書之閣有賓客之位有游息  
之亭嚴嚴翼翼壯偉閎耀而人不以為侈既成而來學  
者常三百餘人予世家於吉而濫官於朝進不能贊揚  
天子之盛美退不能與諸生揖讓於其中然予聞教學

也然豐稟享祀  
竟鍾感慨詞猶  
和平至於撫子  
美集序之類則  
純乎感慨矣乃  
若憤悶不平如  
王逢原悲傷無  
聊如邢居實則  
感慨而失之者  
也  
臣杜誦曰銷張  
風俗淳美由於  
學校之成與篇  
首王政之本照  
耀有聲勢故語  
語淡朴而遂極

之法本於人情磨揉遷革使趨於善其勉於人者勤其  
入於人者漸善教者以不倦之意須遲久之功至於禮  
讓興行而風俗純美然後為學之成今州縣之吏不得  
久其職而躬親於教化也故李侯之績及於學之立而  
不及待其成惟後之人無廢慢天子之詔而怠以中止  
幸予他日因得歸榮故鄉而謁於學門將見吉之士皆  
道德明秀而可為公卿問於其俗而婚喪飲食皆中禮  
節入於其里而長幼相孝慈於其家行於其郊而少者

煒煌鉅麗之觀

扶其羸老壯者代其負荷於道路然後樂學之道成而得時從先生者老席於衆賓之後聽鄉樂之歌飲獻酬之酒以詩頌天子太平之功而周覽學舍思詠李侯之遺愛不亦美哉故於其始成也刻辭於石而立諸其廡以俟

王彥章畫像記

太師王公諱彥章字子明鄆州壽張人也事梁為宣義軍節度使以身死國葬於鄭州之管城晉天福二年始

錯綜開闢自燕入  
妙與仰州段太尉  
遶常狀神理相合

贈太師在梁以智勇開梁晉之爭數百戰其為勇將多

矣而晉人獨畏彥章自乾化後

梁末帝年號

嘗與晉戰屢困

莊宗於河上及梁末年小人趙巖等用事梁之大臣老

將多以讒不見信皆怒而有怠心而梁亦盡失河北事

勢已去諸將多懷顧望獨公奮然自必不少屈懈

自梁失魏

博與晉夾河而軍彥章嘗為先鋒

志雖不就卒死以忠公既死而梁亦

微矣悲夫五代終始纔五十年而更十有三君

梁太祖末帝唐

莊宗明宗愍帝廢帝晉高祖出帝漢高祖隱帝周太祖世宗恭帝

五易國而八姓

梁朱氏唐

荆川唐順之曰  
此文凡五段一  
段是總叙其略  
二段是言其能  
全節三段是辨  
其事四段是言  
其善出奇策五  
段是言中畫像  
之事而通篇以  
忠節善戰分兩



項然不見痕迹

莊宗李氏嗣源莊宗養子失其姓從珂王  
氏晉石氏漢劉氏周太祖郭氏世宗柴氏士之不幸而

出乎其時能不污其身得全其節者鮮矣公本武人不  
知書其語質平生嘗謂人曰豹死留皮人死留名蓋其  
義勇忠信出於天性而然予於五代書竊有善善惡惡  
之志至於公傳未嘗不感憤歎息惜乎舊史殘略不能  
備公之事康定元年宋仁宗年號予以節度判官來此求於  
滑人得公之孫睿所錄家傳頗多於舊史其記德勝之  
戰尤詳又言敬翔怒未帝不肯用公欲自經於帝前公

因用笏畫山川為御史彈而見廢又言公五子其二同  
公死節此皆舊史無之又云公在滑以譏自歸於京師  
而史云召之是時梁兵盡屬段凝京師羸兵不滿數千

公得保鑾五百人之鄆州以力寡敗於中都

唐攻兗州  
彥章將保

鑾五百人至遼坊戰敗  
退保中都又敗被擒

而史云將五千以往者亦皆非

也公之攻德勝也初受命於帝前期以三日破敵梁之

將相聞者皆竊笑及破南城果三日

龍德三年晉取鄆  
州末帝召彥章為

招討使彥章期三日破敵兩日而馳至滑州時晉已盡  
有河北以鐵鎖斷德勝口築河南北兩城號夾寨彥章

命甲士六百人皆持巨斧載治工乘流而下舉鎮是時  
燒斷之因以巨斧斬浮橋南城遂破果止三日

莊宗在魏聞公復用料公必速攻自魏馳馬救已不及  
矣莊宗之善料公之善出奇何其神哉今國家罷兵四  
十年一旦元昊反敗軍殺將連四五年而攻守之計至  
今未決予嘗持用奇取勝之議而歎邊將屢失其機時  
人聞予說者或笑以為狂或忽若不聞雖予亦惑不能  
自信及讀公家傳至於德勝之捷乃知古之名將必出  
於奇然後能勝然非審於為計者不能出奇奇在速速

在果此天下偉男子之所為非拘牽嘗算之士可到也  
每讀其傳未嘗不想見其人後二年予復來通判州事  
歲之正月過俗所謂鐵槍寺者又得公畫像而拜焉歲  
久磨滅隱隱可見亟命工完理之而不敢有加焉懼失  
其真也公善用槍當時號王鐵槍公死已百年至今俗  
猶以名其寺童兒牧豎皆知王鐵槍之為良將也一槍  
之勇同時豈無而公獨不朽者豈其忠義之節使然歟  
畫已百餘年矣完之復可百年然公之不泯者不繫乎

歸美國家太平以  
為豐樂之由立言  
有體而俯仰處更  
多閒情逸韻

畫之存不存也而予猶區區如此者蓋其希慕之至焉  
爾讀其書尚想乎其人况得拜其像識其面目不忍見  
其壞也畫既完因書予所得者於後而歸其人使藏之

### 豐樂亭記

修既治滁之明年夏始飲滁水而甘問諸滁人得於州  
南百步之近其上豐山聳然而特立下則幽谷窈然而  
深歲中有清泉涵然而仰出俯仰左右顧而樂之於是  
疏泉鑿石闢地以為亭而與滁人往游其間滁於五代

次崖林希元曰  
此篇專歸功於  
上之功德第一  
節先叙滁之景  
以為亭第二節  
論滁為干戈用  
武之地第三節  
論聖宋平定之

干戈之際用武之地也昔太祖皇帝嘗以周師破李景  
兵十五萬於清流山下生擒其將皇甫暉姚鳳於滁東  
門之外遂以平滁修嘗考其山川按其圖記升高以望  
清流之關欲求暉鳳就擒之所而故老皆無在者蓋天  
下之平久矣自唐失其政海內分裂豪傑並起而爭所  
在為敵國者何可勝數及宋受天命聖人出而四海一  
嚮之憑恃險阻剗消磨百年之間漠然徒見山高而  
水清欲問其事而遺老盡矣今滁介江淮之間舟車商

事第四節論民生豐樂皆上之功德第五節論滁人立亭共享豐年之樂第六節論宣上意以與民同樂所以名亭  
鹿門茅坤曰太守之文備事茲感慨歐公本色

賈四方賓客之所不至民生不見外事而安於畎畝衣食以樂生送死而孰知上之功德休養生息涵煦百年之深也修之來此樂其地僻而事簡又愛其俗之安閒既得斯泉於山谷之間乃日與滁人仰而望山俯而聽泉掇幽芳而蔭喬木風霜冰雪刻露清秀四時之景無不可愛又幸其民樂其歲物之豐成而喜與予游也因為本其山川道其風俗之美使民知所以安此豐年之樂者幸生無事之時也夫宣上恩德以與民共樂刺史

安定教士之法規  
條竄詳為中專舉  
此事殆所謂論人  
必於其大者也

之事也遂書以名其亭焉

### 胡先生墓表

先生諱瑗字翼之姓胡氏其上世為陵州人後為泰州  
如臯人先生為人師言行而身化之使誠明者達昏愚  
者勵而頑傲者革故其為法嚴而信為道久而尊師道  
廢久矣自景祐明道以來景祐明道及下慶歷皇祐嘉祐皆仁宗年號學者  
有師惟先生暨泰山孫明復石守道三人而先生之徒  
最盛其在湖州學弟子去來常數百人各以其經轉相



傳授其教學之法最備行之數年東南之士莫不以仁義禮樂為學慶厯四年天子開天章閣與大臣講天下事始慨然詔州縣皆立學於是建太學於京師而有司請下湖州取先生之法以為太學法至今為著令後十餘年先生始來居太學學者自遠而至太學不能容取傍官署以為學舍禮部貢舉歲所得士先生弟子十常居四五其高第者知名當時或取甲科居顯仕其餘散在四方隨其人賢愚皆循循雅飭其言談舉止不問可

知為先生弟子其學者相語稱先生不問可知為胡公也先生初以白衣見天子論樂拜秘書省校書郎辟丹州軍事推官改密州觀察推官丁父憂去職服除為保寧軍節度推官遂居湖學名為諸王宮教授以疾免已而以太子中舍致仕遷殿內丞於家皇祐中驛召至京師議樂復以為大理評事兼太常主簿又以疾辭歲餘為光祿寺丞國子監直講居太學遷大理寺丞賜緋衣銀魚嘉祐元年遷太子中允充天章閣侍講仍居太學

已而病不能朝天子數遣使者存問又以太常博士致仕東歸之日太學之諸生與朝廷賢士大夫送之東門執弟子禮路人嗟歎以為榮以四年六月六日卒於杭州享年六十有七以明年十月五日葬於烏程何山之原其世次官邑與其行事莆陽蔡君謨具誌於幽堂嗚呼先生之德在乎人不待表而見於後世然非此無以慰學者之思乃揭其墓之原七年八月三日廬陵歐陽

修述

呂元明嘗言仁宗時國子先生必求天下賢士又擇其尤賢者專委掌教規矩之事胡瑗為直講有

旨專掌學政胡亦甄別人物擇其過人遠甚人畏服者  
獎之激之又各因其所好類聚而別居之故好尚經術  
者好談兵者好文藝者好尚節義者皆以其類羣居相  
與講習胡亦時召之使論其所學為定其理或自出一  
義故人皆樂從而有成今朝廷近臣往往胡之徒也

瀧岡阡表

敘述先德情文深婉含警款于載如生可謂仁孝之言

東蘇黃震曰瀧岡阡表述其母記父之言謂祭而豐不如養之

嗚呼惟我皇考崇公卜吉於瀧岡之六十年其子修始  
克表於其阡非敢緩也盖有待也修不幸生四歲而孤  
太夫人守節自誓居貧自力於衣食以長以教俾至於  
成人太夫人告之曰汝父為吏廉而好施與喜賓客其

薄謂治死獸當  
求其生

俸祿雖薄常不使有餘曰母以是為吾累故其亡也無  
一瓦之覆一壠之植以庇而為生吾何恃而能自守耶  
吾於汝父知其一二以有待於汝也自吾為汝家婦不  
及事吾姑然知汝父之能養也汝孤而幼吾不能知汝  
之必有立然知汝父之必將有後也吾之始歸也汝父  
免於母喪方逾年歲時祭祀則必涕泣曰祭而豐不如  
養之薄也間御酒食則又涕泣曰昔常不足而今有餘  
其何及也吾始一二見之以為新免於喪適然耳既而

其後常然至其終身未嘗不然吾雖不及事姑而以此  
知汝父之能養也汝父為吏嘗夜燭治官書屢廢而歎  
吾問之則曰此死獄也我求其生不得爾吾曰生可求  
乎曰求其生而不得則死者與我皆無恨也矧求而有  
得耶以其有得則知不求而死者有恨也夫常求其生  
猶失之死而世常求其死也回顧乳者劒汝而立於傍  
劒謂抱之如執劒也因指而歎曰術者謂我歲行在戌將死使其  
言然吾不及見兒之立也後當以我語告之其平居教

他子弟嘗用此語吾耳熟焉故能詳也其施於外事吾不能知其居於家無所矜飾而所為如此是真發於中者耶嗚呼其心厚於仁者耶此吾知汝父之必將有後也汝其勉之夫養不必豐要於孝利雖不得溥於物要其心之厚於仁吾不能教汝此汝父之志也修泣而志之不敢忘先公少孤立學

石本譜圖云歐陽氏夏之苗裔越王無疆之子蹄封於烏

程歐餘山之陽為歐陽亭侯修之先為吉州永豐人高祖名託曾祖名彬祖名偃父名觀咸平三年

進士及第

咸平真宗年號

為道州判官泗綿二州推官又為秦

州判官享年五十有九葬沙溪之瀧岡太夫人姓鄭氏  
考諱德儀世為江南名族太夫人恭儉仁愛而有禮初  
封福昌縣太君自其家少微時治其家以儉約其後常  
不使過之曰吾兒不能苟合於世儉薄所以居患難也  
其後修貶夷陵太夫人言笑自若曰汝家故貧賤也吾  
處之有素矣汝能安之吾亦安矣自先公之亡二十年  
修始得祿而養又十有二年列官於朝始得贈封其親  
又十年修為龍圖閣直學士尚書吏部郎中留守南京



太夫人以疾終於官舍享年七十有二又八年修以非才入副樞密遂叅政事又七年而罷自登二府天子推恩褒其三世蓋自嘉祐以來逢國大慶必加寵錫皇曾祖府君累贈金紫光祿大夫太師中書令曾祖妣累封楚國太夫人皇祖府君累贈金紫光祿大夫太師中書令兼尚書令祖妣累封吳國太夫人皇考崇公累贈金紫光祿大夫太師中書令兼尚書令皇妣累封越國太夫人今上初郊皇考賜爵為崇國公太夫人進號魏國

於是小子修泣而言曰嗚呼為善無不報而遲速有時此  
理之常也惟我祖考積善成德宜享其隆雖不克有於  
其躬而賜爵受封顯榮褒大實有三朝之錫命是足以  
表見於後世而庇賴其子孫矣乃列其世譜具刻於碑  
既又載吾皇考崇公之遺訓太夫人之所以教而有待  
於修者併揭於阡俾知夫小子修之德薄能鮮遭時竊  
位而幸全大節不辱其先者其來有自

按自韓愈以古文倡於唐三百

餘年修出而宗之起五季論卑氣弱之敝熙天聖景祐間太學體詭異之習士始知通經學古功倍於穆修柳

聞矣其學長於考究古今治亂興衰別白是非利害故  
其文章皆與經術相發明據斥佛老尤為知本雖性道  
之精微固有間焉然文家法度可謂盡矣故言行錄稱  
之曰超然獨騫衆莫能及譬夫天地之妙造化萬物不  
見痕迹自  
極其工



御選古文淵鑒卷四十五